

Gabinete a retira proximo gobernador Boekhoudt



Gabinete ta kita ‘proximo gobernador’ Alfonso Boekhoudt

ORANJESTAD – Consejo di Minister a dicidi diabierna cu no tin confiansa mas den minister Plenipotenciario Alfonso Boekhoudt y lo kit’e for di su funcion di minister entrante 1 di november.

E motibo ta cu Sr. Boekhoudt a acepta e posicion di gobernador di Aruba tras di lomba di gobierno. Gabinete Eman a indica cu Boekhoudt no tabata nan candidato sinembargo minister di Asuntonan di Reino Hulandes, Sr. Plasterk, a acerca Boekhoudt y den poco tempo e asunto tabata regla.

Gobierno di Aruba no ta contento cu Hulanda a actua tras di nan lomba, segun nos fuentenan.

Banda di 7or ayera noch gobierno di Aruba a manda un relato pa prensa, anunciando oficialmente e retiro di Sr. Boekhoudt: “Awe tardi Su Excelencia Gobernador Fredis Refunjol y Prome Minister Mike Eman conhuntamente a firma e Decreto Gubernamental pa formalisa e retiro di Sr. Alfonso Boekhoudt.”

No ta conoci te awor kende lo asumi e funcion di minister Plenipotenciario na Hulanda.

